

Ўзбекистон Республикаси Президентининг ҚАРОРИ

ПОЧТА АЛОҚАСИ ХИЗМАТЛАРИНИ КЎРСАТИШ ТИЗИМИНИ ТУБДАН ТАКОМИЛЛАШТИРИШ ЧОРА-ТАДБИРЛАРИ ТЎҒРИСИДА

Почта алоқаси тизими бугунги кунда мамлакат ҳудудларида хат ва почта жўнатмалари билан бир қаторда товарларни етказиб бериш, банк, молия ва давлат хизматларини кўрсатиш бўйича ўз инфратузилмасига эга бўлган муҳим соҳа ҳисобланади.

“Ўзбекистон почтаси” акциядорлик жамияти мамлакатимизнинг почта алоқаси миллий оператори сифатида республика миқёсида 2 мингга яқин почта алоқаси объектига эга бўлиб, барча аҳоли пунктларини қамраб олган.

Шу билан бирга, Миллий оператор тармоғини ривожлантириш бўйича етарлича чоралар қўрилмаганлиги оқибатида Умумжаҳон почта иттифоқининг **Почта ривожланиши индекси глобал рейтингидида Ўзбекистон 93-ўринда** қолмоқда.

Почта алоқаси хизматларини кўрсатиш тизимини тубдан такомиллаштириш, соҳага замонавий технологияларни жорий этиш, почта алоқаси хизматларини тақдим этиш фаолиятини тўлиқ автоматлаштириш орқали Почта ривожланиши индекси глобал рейтингидида мамлакатимизни **биринчи 50 таликка киритиш** мақсадида:

1. Куйидагилар почта алоқаси хизматларини кўрсатиш тизимини такомиллаштиришнинг асосий йўналишлари этиб белгилансин:
 - а) хат-хабар ташиш ва курьерлик хизматларини ривожлантириш бўйича:
 - почта ва курьерлик хизматларини тақдим этиш фаолияти билан шуғулланиб келаётган маҳаллий ва хорижий компаниялар билан ҳамкорликда **“якуний манзил” хизматини жорий этиш**;
 - почта алоқасининг аъёнавий хизматларини такомиллаштириш, уларни рақамлаштириш, **жўнатмаларни қабул қилиш, кузатиб бериш ва етказиш жараёнларига ахборот технологиялари ва тизимларини жорий этиш** орқали аҳоли, бизнес ва давлат идораларига замонавий хизматларни тақдим этиш;
 - “Гибрид почта” жўнатмаларини қабул қилиш ва етказиб бериш хизматлари сонини **2 баробарга** ошириш;
 - б) электрон тижорат бозоридаги фаолиятни ривожлантириш бўйича:
 - маҳаллий ишлаб чиқарувчиларнинг махсуслотларини онлайн сотиш ва миқозларга етказиб бериш имкониятини берувчи **электрон савдо майдончаси ахборот** тизимини яратиш;
 - логистика марказларини ташкил этиш, **товарларни сақлаш ва етказиб беришни ўз ичига олган хизматларни йўлга қўйиш** ва ривожлантириш;
 - в) хизматлар бозоридаги почта алоқаси фаолиятини ривожлантириш бўйича:
 - почта алоқаси объектилари орқали тўловларни онлайн режимида қабул қилиш автоматлаштирилган тизимини модернизациялаш ва унинг мобиль иловасини ишлаб чиқиш;
 - республиканинг камида **1 000 та почта бўлимида**, айниқса, **олис ва чекка ҳудудларда молиявий хизматлар** турларини, хусусан, аҳолидан тўловлар қабул қилишни **икки баробарга кенгайтириш ҳамда** аутсорсинг асосида **банк хизматлари** кўрсатилишини йўлга қўйиш;
 - олис ва чекка ҳудудлардаги почта бўлимида **давлат хизматлари кўрсатилишини йўлга қўйиш**;
 - почта алоқаси соҳасида жорий этилаётган янги хизмат турларини инobatта олган ҳолда Миллий оператор тизимида фаолият юритувчи кадрларни қайта тайёрлаш ва малакасини ошириш.

(Давоми 2-бетда).

Мамлакатимизнинг озиқ-овқат хавфсизлигини таъминлаш, эл-юртимиз дастурхонини янада фаровон қилишда фидойи қишлоқ хўжалиги ходимлари бундан кейин ҳам ўзларининг бор билим ва тажрибаларини, куч-ғайрат ва имкониятларини сафарбар этадилар, деб қатъий ишонаман.

Президент Шавкат Мирзиёевнинг Ўзбекистон қишлоқ хўжалиги ходимларига йўлаган табригидан

НАТИЖАЛАР ЗАЛВАРЛИ, РЕЖАЛАР УЛКАН

Жойларда Ўзбекистон Республикаси қишлоқ хўжалиги ходимлари куни кенг нишонланди.



Шукуҳ



Мамлакатимизда дунёдаги энг қадимий ва олижаноб касб эгалари ҳисобланган, эл-юрт дастурхонини тўкин ҳамда фаровон этадиган ғоят муҳим соҳанинг залварли юкини ўз елкасида кўтариб келаётган қишлоқ хўжалиги ходимларининг фидойи меҳнати ҳамиша эътиборда. Шу маънода, Ўзбекистон Республикаси қишлоқ хўжалиги ходимлари куни юртимиз бўйлаб кенг нишонланиб, соҳа вакиллари муносиб тақдирланди.

➡ 2

ЎЗБЕКИСТОН ЕОИИДА КУЗАТУВЧИ МАҚОМИДА УНИНГ ПАСТ-БАЛАНДИНИ БИЛИШ ИМКОНИГА ЭГА БЎЛАДИ

Евроосиё иқтисодий иттифоқи билан ҳамкорлик қилиш масаласи халқимизнинг, ҳар бир фуқаронинг манфаатларига бевосита таъсир этувчи жуда жиддий масаладир. Бу ҳамкорлик натижаларини олдиндан баҳолаш, прогноз қилиш мураккаб жараён.

Нуктаи назар

Шунинг учун ЎзХДП фракцияси ушбу масаладаги парламентдаги муҳокама-ларда, биринчи навбатда, давлатимиз, халқимиз ва миллийликнинг умумий манфаатларидан келиб чиқиб ҳамда барча фуқароларнинг хоҳиш-иродасига таъиниш лозим, деган хулосани берган эди.

Бугунги кунда Ўзбекистоннинг ЕОИИ ҳузуридаги кузатувчи давлат мақомига эга бўлиши мамлакатимизга бу тузил-мани яқиндан ўрганиш, амалий хулоса-лар қилиш, паст-баландини таҳлил этиш имкониятини беради. Мураккаб ва тах-ликали замонда қийинчиликларни якка ҳолда енгиб чиқиш мумкин эмас, шу

➡ 3

Халқаро форум

ПАРЛАМЕНТНИНГ АЁЛ АЪЗОЛАРИ ПЛАТФОРМАСИ ЯРАТИЛАДИ

Пойтахтимизда “Ўзбекистон тараққиётида парламентдаги аёлларнинг роли” мавзусида илк халқаро форум ўтказилди.

Олий Мажлис Сенати ҳамда Гендер тенгликни таъминлаш масалалари бўйича комиссия томонидан БМТ Тараққиёт дастури ва ЕХҲТ билан ҳамкорликда ташкил этилган форумда парламент аъзолари, давлат ҳамда жамоат ташкилотлари вакиллари, халқаро экспертлар қатнашди.

Анжумани Олий Мажлис Сенати Раиси Танзила Норбоева кириш сўзи билан очар экан, бугунги глобалла-шув шароитида хотин-қизлар-нинг сиёсий ва ижтимоий-иқтисодий вазифаларини ҳал қилишдаги иштироки муҳим ўрин тутганини таъкидлади. Шу боис мамлакатимизда аёллар-нинг ҳуқуқ ҳамда манфаатла-рини таъминлаш, уларни ҳар томонлама қўллаб-қувватлаш давлат сиёсатининг муҳим йўналишига айланган.

Ўтган йилги сайлов якун-лари бўйича парламентнинг

қўйи палатасига 48 нафар аёл депутат этиб сайланди. Бу депутатлар умумий сонининг 32 фоизини, Сенатда эса 25 фоизни ташкил этапти. Ўзбекистон тарихида илк ма-ротаба миллий парламен-тда хотин-қизлар сони Бирлашган Миллатлар Ташкилоти томони-дан белгиланган тавсияларга мос даражага етди. Мамлака-тимиз парламенти хотин-қиз-лар сони бўйича дунёдаги 190 та парламент орасида 37-ўринга кўтарилди.

➡ 3

Қонунчилик палатаси қўмиталарида

ЕР КОДЕКСИНИНГ ЯНГИ ТАҲРИРИДА НИМАЛАР АКС ЭТМОҚДА?

Олий Мажлис Қонунчилик палатасининг Аграр ва сув хўжалиги масалалари қўмитасининг йиғилиши бўлиб ўтди. Унда Ўзбекистон Республикаси Ер кодексининг янги таҳрирдаги лойиҳаси муҳокама этилди.

Таъкидланганидек, амалда-ги Ер кодекси 1998 йил 30 апрелда қабул қилинган бўлиб, ҳозирги вақтга қадар унга бир неча бор ўзгариш ва қўшимчалар киритилган бўлса-да, ўтган 22 йил даво-мида янги таҳрирдаги қонун лойиҳаси ишлаб чиқилмаган.

Амалдаги кодексда йигир-мадан зиёд ҳаволаки норма-лар мавжудлиги, қишлоқ хўжа-лигига мўлжалланмаган ер участкаларини хусусийлашти-

риш, ер участкаларининг ху-сусий мулкдорларини давлат томонидан қўллаб-қувватлаш, ер участкалари билан боғлиқ зарарларни қоплаш бўйича нормаларнинг йўқлиги бугун-ги кунда бир қатор масала-ларнинг амалиётда ҳуқуқий ечимини топишда қийинчилик туғдирапти. Бу эса янги тах-рирдаги қонун лойиҳасини ишлаб чиқишни тақозо этапти.

➡ 3



Президентимиз ислохотлар-нинг маҳаллабай тизимда қандай йўлга қўйилгани, одамлар ҳаётидаги ўзгаришларни кўриш, навбатдаги устувор режаларни белгилаш мақсадида шу йилнинг

12-13 декабрь кунлари Хоразм вилоятида бўлди. Мамлакат раҳбарининг жой-лардаги учрашувлари, ёшлар билан кечган самимий мулоқот-лар, янги лойиҳалар тақдимот-ларини юртдошларимиз катта қизиқиш билан кузатди.

Айниқса, вилоят фаоллари би-лан учрашувда давлатимиз раҳбари томонидан илгари сурилган ташаббуслар ҳамда Хоразмнинг келгуси тараққиёти-ни белгилаб берувчи дастурлар воҳа аҳли томонидан зўр мамну-ният билан кутиб олинди.

Муносабат

ЖАҲОН ТУРИЗМ МАРКАЗЛАРИДАН БИРИГА АЙЛАНАДИ

Давлатимиз раҳбари вилоятимизга ташрифи чоғида Хива шаҳрида инфратузилмани яхшилаш, туризм ва тадбиркорликни ривожлантириш, аҳоли бандлигини таъминлаш, камбағалликни қисқартириш лойиҳалари билан танишиб, бир қатор топшириқларни берди.

Ушбу лойиҳаларда “ўсиш нуктаси” сифатида иккита асосий йўналиш, туризм ва қурилиш материалларини ишлаб

чиқариш танлаб олинган бўлиб, бу борада шахримизда фойдаланилмаётган имкониятлар жуда катта. Айни кунда шаҳарда 3 400 ўринга эга 120 та меҳмонхона ҳамда меҳмон уйлари фаолият кўрсатмоқда. Эндиликда уларнинг сигимини ўн минг ўринга етказиш вазифаси қўйилди. Шу билан бирга, Ичан қалъа ҳудудидаги маҳаллаларда яшовчи аҳолини туризм хизматлари кўрсатиш йўналишида ўқитиш борасида режалар белгилаб олинди.

➡ 2



